



PREZIDÉNSIA KONSELLU MINISTRUS

VIII GOVERNUN KONSTITUSIONÁL



Gabinete
Porta-Voz

17 setenbru 2019

Komunikadu Imprensa

Konstrusaun ba Porto Tibar

Membru Governu sira ne'ebé nuudar responsável ba Projetu Portu Tibar maka Ministru Planeamentu no Investimentu Estratéjiku iha ezersísiu, Ministra Finansas iha ezersísiu, Ministru Obras Públikas no Ministru Transportes no Komunikasoin, senti la hakmatek no preokupadu tanba hanoin hela impaktu sá de'it maka bele hamosu ba konstrusaun Porto Tibar tan halo suspensaun servisu esplorasau ba pedreira hosi China Harbour Timor, Lda, tan ne'e, membru Governu sira ne'e reuni tiha informasaun kona-ba medida kautelár ne'ebé Tribunal Distrital Díli dekreta ona kona-ba oinsá rai-parsela afeta ba pedreira.

Projetu ida-ne'e nuudar interese públiku, ne'ebé hakerek iha Planu Nasionál Dezenvolvimentu Estratéjiku Timor-Leste nian ba 2011-2030, ne'ebé maka Governu Konstitusionál oin-oin sempre apoia no promove.

Hafoin halo tiha análise ba prosesu, haree hetan katak tribunal dekreta medida kautelár ba rai-parsela ne'ebé sala. Ne'e dehan katak, tribunal husu atu halo restituisaun provizória ba posse kona-ba rai-parsela ida no tribunal haruka ezejuta medida ba rai-parsela ida seluk fali no ida ne'e, hamosu konfuzaun no halo ema hotu hakfodak, inklui mós Governu.

Tuir prosesu, rekerimentu koa'lia kona-ba rai-parsela ida ne'ebé hela dook liu ho distánsia km 1 (ida) hosi rai-parsela ne'ebé nuudar objetu ezejusaun tribunal nian. Erru ida-ne'e determina katak bainhira taka dalan karik ba servisu pedreira no ida-ne'e impede atu bele



Palácio do Governo,
Avenida Presidente Nicolau Lobato,
Dili, Timor-Leste



PREZIDÉNSIA KONSELLU MINISTRUS

VIII GOVERNUN KONSTITUSIONÁL



Gabinete
Porta-Voz

kontinua servisu, ho risku sériu ba konstrusaun Porto Tibar tanba, sei la hetan fornimentu materiál atu halo konstrusaun nesesáriu.

Tuir informasaun hosi Diresaun Nasionál Terras no Propriedades no Servisu Kadastrál katak rai-parsela ne'ebé ezekuta sala tiha maka rai-parsela ne'ebé daudauk ne'e nia propriedade iha hela disputa ho Estadu rasik no Ministériu Justisa maka tau-matan hela ba rai-parsela ne'e.

Haree ba faktu hirak-ne'e, Governu desidi book-an, hodi reprezenta Estadu no hodi sori interese públiku, hodi alerta ba Tribunal tan erru ne'ebé Tribunal komete ona atu revé filafali medida ne'e no dekreta hodi anula no ordena atu sobu saida de'it maka taka hela dalan ka meu saida de'it maka halo atu ema la bele hetan asesu ba pedreira.

China Harbour Timor, Lda, nuudar subkontratada konsensionáriu ba Porto Tibar nian, utiliza rai ne'ebé afeta ba pedreira ho koñesimentu, autorizasaun no perfeita kolaborasaun ho entidade competente hotuhotu inklui comunidade lokál, Xefe Aldeia Mota Ikun, Administrador Postu Administrativu Bazartete, Administrador hosi Munisípiu Likisá, Komandante PNTL Likisá, Diresaun Nasionál Terras no Propriedades no Servisu Kadastrál Likisá, Autoridade Nasionál Petróleu no Minerais (responsável ba lisensiamentu pedreira), Unidade Jestaun ba Projetu ba Porto Tibar (responsável ba ezekusaun Projetu ba Porto Tibar) no mós, membru Governu sira ne'ebé nuudar responsável ba ezekusaun projetu ba Porto Tibar no Sekretáriu Estadu Terras no Propriedades no Ministériu Justisa rasik.

Hamutuk ho esklaresimentu ida-ne'e ba tribunal, Governu sei foti medida nesesáriu atu salvaguarda interese públiku nian ba konstrusaun Porto Tibar. **Remata**



Palácio do Governo,
Avenida Presidente Nicolau Lobato,
Dili, Timor-Leste